

**Sumáriu Kazu
Tribunál Distritál Oekusi
Períodu Dezembru 2018**

Afirmasaun: Sumáriu Kazu tuirmai ne'e deskreve faktu sira no prosesu iha tribunál tuir JSMP nia monitorizasaun independente, no deklarasaun ne'ebé parte sira fó iha tribunál nia laran. Informasaun ne'e la reprezenta JSMP nia hanoin hanesan instituisaun ida. JSMP kondena maka'as forma violénsia hotu-hotu, liuliu hasoru feto no ema vulneravel. JSMP afirma la iha justifikasaun ba violénsia hasoru feto.

A. Sumáriu prosesu julgamentu kazu iha Tribunál Distritál Oekusi

1. Totál kazu ne'ebé JSMP monitoriza: 22

Tipu kazu	Tipu kazu	Númeru
Artigu 145 Kódigu Penál (KP) & artigu 2, 3, no 35 letra (b) Lei Kontra Violénsia Doméstika (LKVD)	Ofensa ba integridade fízika simples ho natureza violénsia doméstika no tipu ilísitu sira kona-ba violénsia doméstika	12
Artigu 171 (KP)	Koasaun seksuál	1
Artigu 216 (KP)	Kontrabandu	2
Artigu 252 (KP)	Furtu agravadu	1
Artigu 151 (KP)	Ofensa korporál resíproka	2
Artigu 145 (KP)	Ofensa ba integridade fízika simples	2
Artigu 157 (KP)	Ameasa	1
Artigu 207 (KP)	Kondusaun sein karta	1
Totál	22	22

2. Totál desizaun ne'ebé JSMP monitoriza : 22

Tipu desizaun	Númeru
Suspensaun ba pena prizaun nia ezekusaun - Artigu 68 Kódigu Penál	13
Pena multa tuir artigu 67 Kódigu Penál	1
Pena admoestasaun	2
Absolvisaun	1

Omologa dezisténsia keixa	5
Totál	22

B. Deskripsiun sumáriu julgamentu ba desizaun kazu sira

1. Krime ofensa ba integridade fízika simples ho natureza violénsia doméstika

Nú. Prosesu : 0155/18.OESIC
 Kompozisaun Tribunál : Singulár
 Juís : Dr. João Ribeiro
 Prokuradór : Dr. Mateus Nesi
 Defeza : Dr. Daniel Elu (Advogadu Privadu)
 Tipu pena : Pena prizaun tinan 1 suspende ba tinan 1 fulan 6

Iha 11 Dezembru 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu CA hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 31 Agostu 2018, maizumenus tuku 18.45 lokraik, arguidu hoлезada diskute malu kona-baлезada diskunfia arguidu iha relasaun amante ho fetu seluk, nune'e arguidu tuku dala ida ihaлезada nia hirus-matan no rezultaлезada monu tun ba rai no to'o desmaia no sofre moras. Kazu ne'e aneksa mós ho relatóriu médiwu husi Ospital Referal Oekusi no fotografia husi Polisia-VPU.

Prokuradór akuza arguidu kontra artigu 145 Kódigu Penál kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova sira

Iha julgamentu, arguidu admite faktus hotu iha akuzasaun, arguidu mós deklara katak arrepende ona nia hahalok. Arguidu dezempregadu nune'e laiha rendimentu fixu kada fulan no iha oan nain rua. Arguidu mós deklara katak diak malu ona hoлезada no moris hamutuk nafatin hanesan familía ida.

Prokuradór husu ba tribunál atu prezindiлезada nia deklarasaun, tanba arguidu konfesa faktus hotu iha akuzasaun.

Alegasaun finál

Prokuradór konsidera arguidu provadu komete krime hasoruлезada bazeia ba konfisaun arguidu nian. Prokuradór argumenta katak tuir loloos arguidu mak protezeлезada, maibé pela kontraríu arguidu mak komete fali krime hasoruлезada. Tanba ne'e, husu ba tribunál atu kondena arguidu tuir artigu 145 Kódigu Penál (KP).

Enkuantu defeza husu ba tribunál atu aplika pena ne'ebé kmaan ba arguidu ho konsiderasaun sira katak arguidu konfesa, arrepende ona nia hahalok, iha oan nain 2, diak malu ona hoлезада no hela hamutuk nafatin iha uma ida hanesan familia ida.

Desizaun

Depoisde avalia faktu sira hotu, tribunál prova katak arguidu komete duni krime tuir faktu sira iha akuzasaun. Bazeia ba prova sira ne'e hotu, tribunál kondena arguidu ho pena prizaun tinan 1 no suspende ba tinan 1 fulan 6.

2. Krime ofensa ba integridade física simples ho natureza violénsia doméstika

Nú. Prosesu	: 0138/17.OESIC
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Daniel Elu (Advogadu Privadu)
Tipu pena	: Pena prizaun tinan 1 suspende ba tinan 2

Iha 11 Dezembru 2018, Tribunál Distritál Oekusi prezide julgamentu leitura sentensa ba krime ofensa ba integridade física simples ho natureza violénsia doméstika ne'ebé envolve arguidu FS hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 08 Jullu 2017, maizumenus tuku 17.00 lokraik, arguidu hoлезада diskute malu noлезада dehan ba arguidu katak “*lor-loron ó buka mak tua hemu de’it, nusa la buka servisu hodi fó han labarik sira.*” Hafoin arguidu tebe dala rua ihaлезада nia hirus matan, buti dala ida ihaлезада nia kakorok, rakutлезада nia fuuk no kontinua ribaлезада ba iha rai. Aktu ne'e rezultaлезада sofre bubu, mean no moras. Kazu ne'e aneksa mós ho relatóriu médiku husi PRADET no fotografia husi Polísia-VPU.

Prokuradór akuza arguidu kontra artigu 145 Kódigu Penál kona-ba ofensa ba integridade física simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova sira

Iha julgamentu, arguidu konfesa faktus hotu iha akuzasaun, arguidu mós deklara katak arrepende ona nia hahalok. Arguidu hanesan agrikultór no laiha rendimentu fixu kada fulan, iha oan nain ualu, foin primeiravés mai hatan iha tribunál, diak malu ona hoлезада no moris hamutuk iha uma ida hanesan feen-laen.

Prokuradór husu ba tribunál atu prezindiлезада lezada nia deklarasaun, tanba arguidu konfesa faktus hotu iha akuzasaun.

Alegasaun finál

Prokuradór konsidera katak arguidu provadu komete krime hasoruлезада lezada. Tuir dadus Ministériu Públíku Rejiaun Oekusi nian hatudu katak kazu violénsia doméstika barak liu akontese iha Rejiaun Oekusi kompara ho distritu/munisípiu sira seluk. Tanba ne'e husu ba tribunál atu kondena arguidu tuir artigu 145 Kódigu Penál.

Enkuantu defeza haktuir katak arguidu deklara faktus hotu ne'ebé akuza ba arguidu, arrepende ona nia hahalok no iha oan nain ualu. Defeza haktuir tan katak arguidu laiha rendimentu fixu kada fulan no foin primeiravés mai hatan iha tribunál. Tanba ne'e husu ba tribunál atu kondena arguidu ho pena ne'ebé kmaan.

Desizaun

Tribunál konklui katak arguidu provadu komete krime hasoru lezada. Bazeia ba faktu provadu hirak ne'e no sirkunstânsia atenuante sira hotu hanesan arguidu konfesa, arrepende ona nia hahalok, foin primeiravés mai hatan iha tribunál no diak malu ona ho lezada, nune'e tribunál kondena arguidu ho pena prizaun tinan 1 no suspende ba tinan 2.

3. Krime ofensa ba integridade física simples ho natureza violénsia doméstika

Nú. Prosesu	: 0147/18.OESIC
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Daniel Elu (Advogadu Privadu)
Tipu pena	: Pena prizaun tinan 1 suspende ba tinan 2

Iha 11 Dezembru 2018, Tribunál Distritál Oekusi prezide julgamentu leitura sentensa ba krime ofensa ba integridade física simples ho natureza violénsia doméstika ne'ebé envolve arguidu AI hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 20 Agostu 2018, maizumenus iha tuku 22.00 kalan, arguidu tuku dala barak iha lezada nia reen-toos no kontinua riba lezada ba iha rai. Agresaun ne'e rezulta lezada sofre moras no lakon sentidu/konsensia. Kazu ne'e aneksa mós ho relatório médico husi Ospital Referal Oekusi no fotografia husi Polisia-VPU.

Prokuradór akuza arguidu kontra artigu 145 Kódigu Penál kona-ba ofensa ba integridade física simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova sira

Iha prosesu julgamentu, arguidu konfesa integralmente ba faktus sira hotu iha akuzasaun no deklara katak arrepende ona nia hahalok. Arguidu servisu hanesan to'os na'in no laiha rendimentu fixu kada fulan no iha oan nain 1. Arguidu foin primeiravés halo krime no mai hatan iha tribunál, dame malu ona ho lezada no moris hamutuk nafatin iha uma ida hanesan feen-laen.

Tanba ne'e Prokuradór husu ba tribunál atu prezinde lezada nia deklarasaun, tanba arguidu konfesa faktus hotu iha akuzasaun.

Alegasaun finál

Prokuradór konsidera arguidu provadu komete krime hasoru lezada bazeia ba konfisaun arguidu nian. Prokuradór rejista katak kazu violénsia doméstica barak akontese iha Rejiaun Oekusi

kompara ho distritu/munisípiu sira seluk. Tanba ne'e husu ba tribunál atu kondena arguidu tuir artigu 145 KP.

Enkuantu defeza husu ba tribunál atu kondena arguidu ho pena ne'ebé kmaan ho konsiderasaun sira katak arguidu konfesa faktus integralmente, arrepende ona nia hahalok, primeiraveś halo krime no mai hatan iha tribunál, diak malu ona hoлезada no iha oan nain ida.

Desizaun

Depoisde avalia faktu sira hotu, tribunál prova katak arguidu komete duni krime tuir faktu sira iha akuzasaun prokuradór nian. Bazeia ba prova sira ne'e hotu, tribunál kondena arguidu ho pena prizaun tinan 1 suspende ba tinan 2.

4. Krime ofensa ba integridade fízika simples

Nú. Prosesu	: 0046/18.OEBCN
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro
Tipu pena	: Omologa pedidu dezisténsia keixa

Iha 11 Dezembru 2018, Tribunál Distritál Oekusi prezide julgamentu tentativa konsiliasaun ba krime ofensa ba integridade fízika simples ne'ebé envolve arguidu/a Otelo Bene ho Pedrunela Quefi hasoru nia viziñu Pedru Tanines, iha Suku Beneufe, Sub-distritu, Nitibe Distritu Oekusi.

Akuzasaun Prokuradór

Prokuradór akuza katak iha 25 Agostu 2018, maizumenus iha tuku 19.30 kalan, arguidu Otelo basa dala ida iha lezadu nia kanuruk, tuku dala ida iha lezadu nia ulun, buti dala ida iha lezadu nia kakorok no tuku dala ida iha lezadu nia kotuk laran. Enkuantu arguida Pedrunela tuku dala ida iha lezadu Otelo nia kotuk laran no rakut dala ida iha lezadu nia kotuk laran. Arguidu/a sira ninia agresau nne'e rezulta lezadu sofre bubu, mean, kanek kois. Kazu ne'e akontese tanba arguidu/a hakarak hamutuk ho lezadu nia feen ba servisu iha natar, maibé lezadu bandu nia feen labele ba servisu iha natar, tanba moras bibi mate no isin rua todan. Kazu ne'e aneksa mós ho relatóriu médiu husi Centru Saude Baocnana no fotografia husi Polísia-VPU.

Prokuradór akuza arguidu/a kontra artigu 145 Kódigu Penál kona-ba krime ofensa ba integridade fízika simples ho moldura penál too tinan 3 ka multa.

Produsaun ba prova sira

Bazeia ba artigu 262 KPP kona-ba tentativa ba konsiliasaun, nne'e antes tama ba julgamentu produsaun ba prova, juis husu atu halo tentativa konsiliasaun ba arguidu/a no lezadu.

Iha prosesu konsiliasaun ne'e, lezadu hakarak dame malu de'it ho nia viziñu sira no dada fali nia-keixa maibé ho kondisaun katak arguidu/a sira tenke fó indemnizasaun sivil ho osan US\$50.00 ho tais mane ida. Arguidu/a sira konkorda ho pedidu ne'e no deklara katak arrepende ona sira nia hahalok no promete katak sei la repeate tan hahalok hanesan iha futuru.

Alegasaun finál

Prokuradór no defeza apresia akordu dame ne'ebé parte rua deside ona no husu ba tribunál atu omologa prosesu ne'e.

Desizaun

Bazeia ba akordu hosi parte rua no pedidu dezisténsia hosi lezadu, tribunál konklui prosesu ne'e no omologa akordu dame entre parte sira no husu ba arguidu/a hodi fó indemnizasaun sivil ba lezadu ho osan US\$50.00 no tais ida.

5. Krime ofensa ba integridade física simples ho natureza violénsia doméstika

Nú. Prosesu	: 0018/18.OEBCN
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Daniel Elu (Advogadu Privadu)
Tipu pena	: Pena admoestasaun

Iha 12 Dezembru 2018, Tribunál Distritál Oekusi prezide julgamentu leitura sentensa ba krime ofensa ba integridade física simples ho natureza violénsia doméstika ne'ebé envolve arguida EL hasoru nia oan feto rasik, iha Distritu Oekusi.

Akuzasaun Prokuradór

Prokuradór akuza katak iha 23 Abril 2018, maizumenus iha tuku 17.00 lokraik, arguida uza ai-gamal sanak ida baku dala ida iha lezada nia kotuk laran no rezulta lezada sofre moras. Kazu ne'e aneksa mós ho relatório médico husi Centru Saude Baocnana no fotografia husi Polísia-VPU.

Prokuradór akuza arguida kontra artigu 145 Kódigu Penál kona-ba ofensa ba integridade física simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova sira

Iha julgamentu, arguida konfesa integralmente ba faktus hotu iha akuzasaun. Arguida deklara katak arrepende ona nia hahalok, laiha rendimentu fixu kada fulan no iha oan nain lima. Arguida haktuir tan katak foin primeiravés mai hatan iha tribunál no diak malu ona ho lezada.

Prokuradór husu ba tribunál atu prezinde lezada nia deklarasaun, tanba arguida konfesa integralmente ba faktus hotu iha akuzasaun.

Alegasaun finál

Prokuradór konsidera arguida provadu komete krime hasoru lezada bazeia ba konfisaun arguida nian. Prokuradór hatutan liután katak, tuir lolos arguida mak protégé lezada no bele uza maneira ida ne'ebé diak liu ba nia oan feto, maibé pela-kontrariu arguida mak komete fali krime hasoru lezada. Tanba ne'e, husu ba tribunál atu kondena arguida tuir artigu 145 KP.

Defeza husu ba tribunál atu kondena arguida ho pena admoestasaun ho hanoin sira katak iha produsaun ba prova arguida rasik iha kolaborasaun diak ho tribunál hodi konfesa faktus hotu iha akuzasaun, arrepende ona nia hahalok, iha oan nain lima no diak malu ona ho lezada no moris hamutuk nafatin hanesan familia ida iha uma ida. Defeza haktuir tan katak arguida baku dala ida de'it ho objetivu atu eduka nia oan atu halo servisu uma laran nian maibé karik tribunál iha hanoin seluk, defeza husu ba tribunál atu fó justisa.

Desizaun

Depoisde avalia faktu sira hotu, tribunál prova katak arguida komete duni krime tuir faktus sira iha akuzasaun prokuradór nian. Bazeia ba faktu provadu sira ne'e, tribunál kondena arguida ho pena admoestasaun.

6. Krime ofensa ba integridade física simples ho natureza violénsia doméstika

Nú. Prosesu	: 0134/18.OESIC
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Daniel Elu (Advogadu Privadu)
Tipu pena	: Pena prizaun tinan 1 no suspende ba tinan 1

Iha 12 Dezembru 2018, Tribunál Distritál Oekusi prezide julgamentu leitura sentensa ba krime ofensa ba integridade física simples ho natureza violénsia doméstika ne'ebé envolve arguidu AAS hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 31 Jullu 2018, maizumenus iha tuku 12.00 meudia, arguidu ho lezada diskute malu kona-ba arguidu husu osan US\$5.00 ba lezada, maibé lezada la fó, nune'e arguidu tuku dala ida iha lezada nia ulun parte karuk, buti dala ida iha lezada nia kakorok no rasta lezada ba iha rai. Kazu ne'e aneksa mós ho relatório médico husi PRADET no fotografia husi Polísia-VPU.

Prokuradór akuza arguidu kontra artigu 145 Kódigu Penál kona-ba ofensa ba integridade física simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova sira

Durante julgamentu, arguidu konfesa integralmente ba faktus hotu iha akuzasaun no deklara katak arrepende ona nia hahalok. Arguidu servisu hanesan seguransa sivil ho rendimentu kada fulan US\$115.00, iha oan nain ida no arguidu foin primeiravés mai hatan iha tribunál. Arguidu reforsa tan katak dame malu ona ho lezada no moris hamutuk fali ona iha uma ida hanesan feen-laen.

Prokuradór husu ba tribunál atu prezinde lezada nia deklarasaun, tanba arguidu konfesa faktus hotu iha akuzasaun.

Alegasaun final

Prokuradór konsidera arguidu provadu komete krime hasoru lezada bazeia ba faktu sira ne'ebé prodús liuhosi konfisaun arguidu nian, nune'e atu evita krime hanesan akotese tan iha futuru, husu ba Tribunál atu kondena arguidu tuir artigu 145 KP.

Enkuantu defeza husu ba tribunál atu kondena arguidu ho pena ne'ebé kmaan ho konsiderasaun sira katak arguidu konfesa, arrepende ona nia hahalok, foin primeiraveś mai hatan iha tribunál no diak malu ona ho lezada no iha oan nain ida.

Desizaun

Depoisde avalia faktu sira hotu, tribunál konsidera katak arguidu provadu komete duni krime hasoru nia feen tuir faktu sira hotu iha akuzasaun. Bazeia ba faktus-provadu hirak ne'e, tribunál kondena arguidu ho pena prizaun tinan 1 no suspende ba tinan 1 no selu kustu judisiál US\$20.00.

7. Krime ofensa korporál resíproka

Nú. Prosesu	: 0019/18.OEBCN
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Daniel Elu
Tipu pena	: Omologa pedidu dezistensia keixa

Iha 12 Dezembru 2018, Tribunál Distritál Oekusi prezide julgamentu tentativa konsiliasaun ba krime ofensa korporál resíproka ne'ebé envolve arguida EL hasoru nia laen, iha Sub-distritu Nitibe, Distritu Oekusi.

Akuzasaun Prokuradór

Prokuradór akuza katak iha 23 Abril 2018, maizumenus tuku 17.00 lokraik, arguida ho lezadu diskute malu kona-ba arguida siak atu baku sira nian oan, maibé lezadu la hatan, nune'e arguida tuku dala rua iha lezadu nia kabaas no tata dala ida iha lezadu nia kabaas no rezulta lezadu sofre moras. Hafoin lezadu halo reasaun hasoru arguida hodi basa dala ida iha arguida nia Hasan parte karuk no rezulta arguida sofre moras.

Prokuradór akuza arguida/u kontra artigu 151 Kódigu Penál kona-ba krime ofensa korporál resíproka ne'ebé ho moldura penál too tinan 2 ka multa.

Produsaun ba prova sira

Bazeia ba artigu 262 KPP kona-ba tentativa ba konsiliasaun, nune'e antes tama ba julgamentu produsaun ba prova, juis husu atu halo tentativa konsiliasaun ba arguida no lezadu.

Iha prosesu konsiliasaun ne'e, lezadu hakarak dame malu de'it no dada fali sira nia-keixa sein kondisaun ruma no deklara mós katak arrepende ona sira nia hahalok no promete sei la repete tan hahalok hanesan iha futuru.

Alegasaun finál

Prokuradór no defeza apresia akordu dame ne'ebé parte rua deside ona no husu ba tribunál atu omologa prosesu ne'e.

Desizaun

Bazeia ba akordu hosi parte rua no pedidu dezisténsia hosi parte sira, tribunál konklui prosesu ne'e no omologa akordu dame entre parte sira.

8. Krime ameasa

Nú. Prosesu	: 0153/18.OESIC
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Daniel Elu (Advogadu Privadu)
Tipu pena	: Omologa pedidu dezisténsia keixa

Iha 12 Dezembru 2018, Tribunál Distritál Oekusi prezide julgamentu tentativa konsiliasaun ba krime ameasa ne'ebé envolve arguidu CMK hasoru nia feen, iha Sub-distritu Pante-makassar, Distritu Oekusi.

Akuzasaun Prokuradór

Prokuradór akuza katak iha 20 Agostu 2018, maizumenus tuku 08.00 dader, arguidu duni lezada atu sai husi sira nia uma no dehan ba lezada katak kuandu lezada lakohi sai, arguidu sei lori katana ta'a mate lezada. Nune'e, tanba tauk ho arguidu nia ameasa ne'e lezada sai hosi uma no ba hela tiha ho lezada nia alin sira.

Prokuradór akuza arguidu kontra artigu 157 Kódigu Penál kona-ba krime ameasa ho moldura penál too tinan 2 ka multa.

Produsaun ba prova sira

Bazeia ba artigu 262 KPP kona-ba tentativa ba konsiliasaun, nune'e antes tama ba julgamentu produsaun ba prova, juis husu atu halo tentativa konsiliasaun ba arguidu no lezada.

Iha prosesu konsiliasaun ne'e, lezada hakarak dame malu de'it no dada fali nia-keixa sein kondisaun. Iha parte seluk arguidu konkorda no deklara katak arrepende ona nia hahalok no promete sei la repete tan hahalok hanesan iha futuru no agora sira moris hamutuk nafatin hanesan feen-laen.

Alegasaun finál

Prokuradór no defeza apresia akordu dame ne'ebé parte rua deside ona no husu ba tribunál atu omologa prosesu ne'e.

Desizaun

Bazeia ba akordu hosi parte rua no pedidu dezisténsia hosi lezada, tribunál konklui prosesu ne'e no omologa akordu dame entre parte sira.

9. Krime ofensa ba integridade fízika simples ho natureza violénsia doméstika

Nú. Prosesu	: 0026/18.OEBCN
Kompozisaun Tribunál	: Singulár
Juis	: Dr. João Ribeiro

Prokuradór	: Dr. Mateus Nesi
Defeza	: Dr. Daniel Elu (Advogadu Privadu)
Tipu pena	: Pena prizaun fulan 9 no suspende ba tinan 1

Iha 12 Dezembru 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu ABT hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 16 Maiu 2018, maizumenus tuku 20.00 kalan, arguidu ho lezada diskute malu kona-ba arguidu hakarak atu duni sai lezada hosi uma, maibé lezada hatan katak uma ne'e ita nian hotu. Hafoin arguidu basa dala ida iha lezada nia hasan parte karuk no kauza lezada sofre moras.

Prokuradór akuza arguidu kontra artigu 145 Kódigu Penál kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3 no artigu 35 letra (b) no artigu 36 LKVD.

Produsaun ba prova sira

Iha julgamentu, arguidu konfesa integralmente ba faktus hotu iha akuzasaun, arguidu deklara katak arrepende ona nia hahalok. Arguidu nu'udar to'os na'in no laiha rendimentu fixu kada fulan no iha oan nain hitu. Arguidu promete katak sei la komete tan krime hasoru lezada ka ema seluk iha futuru, arguidu mós deklara katak depoisde akontesimentu ne'e sira dame malu kedas no ate agora moris hamutuk nafatin iha uma ida hanesan feen-laen.

Prokuradór husu ba tribunál atu prezinde lezada nia deklarasaun tanba iha produsaun ba prova arguidu konfesa faktus hotu iha akuazasaun.

Alegasaun finál

Prokuradór konsidera arguidu provadu komete krime hasoru lezada bazeia ba konfisaun arguidu nian no tuir lolos arguidu mak proteze lezada, maibé pela kontrariu arguidu mak komete fali krime hasoru lezada ne'ebé laiha forsa atu halo reasaun hasoru arguidu. Tanba ne'e husu ba tribunál atu kondena arguidu tuir artigu 145 KP.

Enkuantu defeza haktuir katak arguidu konfesa, iha oan nain hitu, toma responsabilidade ba iha sira nia familia, arrepende ona nia hahalok no promete sei la komete tan krime hanesan hasoru lezada. Tanba ne'e husu ba Tribunál aplika pena ne'ebé kmaan ba arguidu.

Desizaun

Tribunál prova katak arguidu komete duni krime tuir faktu sira iha akuzasaun no konsidera mós sirkunstânsia sira asosiadu hosi kazu ne'e, nune'e tribunál konklui prosesu ne'e no kondena arguidu ho pena prizaun fulan 9 no suspende ba tinan ida.

10. Krime ofensa ba integridade fízika simples ho natureza violénsia doméstika

Nú. Prosesu	: 0024/18.OEBCN
Kompozisaun Tribunál	: Singulár

Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro
Tipu pena	: Pena prizaun tinan 1 no suspende ba tinan 1

Iha 14 Dezembru 2018, Tribunál Distritál Oekusi prezide julgamento leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu Fd CA hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 21 Maiu 2018, maizumenus iha tuku 04.00 madrugada, arguidu hoлезада diskute malu kona-ba arguidu deskonfiaлезада iha relasaun ho mane seluk, nune'e arguidu basa dala rua ihaлезада nia hasan parte loos, tuku dala ida ihaлезада nia kotuk laran no tuku dala ida ihaлезада nia kabaas parte loos. Kazu ne'e aneksa mós ho relatóriu médiku husi Centru Saúde Baocnana no fotografia husi Polísia-VPU.

Prokuradór akuza arguidu kontra artigu 145 Kódigu Penál kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova sira

Iha julgamento, arguidu konfesa faktus hotu iha akuzasaun, arguidu mós deklara katak arrepende ona nia hahalok. Arguidu hanesan professor iha eskola primaria ho rendimentu kada fulan US\$155.00 no iha oan nain ida. Arguidu foin primeiravés mai hatan iha tribunál. Arguidu reforsa tan katak diak malu ona hoлезада no moris hamutuk nafatin hanesan feen ho laen.

Prokuradór husu ba tribunál atu prezindeлезада no nia deklarasaun, tanba iha produsaun ba prova arguidu konfesa ba faktus hotu iha akuzasaun.

Alegasaun finál

Prokuradór konsidera arguidu komete duni krime hasoruлезада bazeia ba konfisaun arguidu nian. Prokuradór hatutan liután katak, tuir lolos arguidu mak protezeлезада no bele uza maneira ida-ne'ebé diak liu no lahó violénsia hasoruлезада, maibé pela-kontráriu arguidu mak komete fali krime hasoruлезада. Tanba ne'e atu evita krime hanesan akontese tan iha futuru, husu ba tribunál atu kondena arguidu tuir artigu 145 KP.

Iha parte seluk, defeza husu ba tribunál atu aplika pena ne'ebé kmaan ba arguidu ho konsiderasaun sira katak arguidu konfesa, arrepende ona nia hahalok, iha oan nain ida, diak malu ona hoлезада no hela hamutuk iha uma ida hanesan feen-laen no foin primeiravés mai hatan iha tribunál.

Desizaun

Depoisde avalia faktus hotu, tribunál prova katak arguidu komete duni krime tuir faktu sira iha akuzasaun. Bazeia ba prova sira ne'e hotu, tribunál kondena arguidu ho pena prizaun tinan 1 no suspende ba tinan 1 no selu mós kustu judisiál US\$20.00.

11. Krime ofensa ba integridade fízika simples

Nú. Prosesu	: 0054/18.OEPMK
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro
Tipu pena	: Omologa pedidu dezisténsia keixa

Iha 14 Dezembru 2018, Tribunál Distritál Oekusi prezide julgamentu tentativa konsiliasaun ba krime ofensa ba integridade fízika simples ne'ebé envolve arguidu Batista Elo hasoru nia beioan Josefa Coa, iha Suku Lelaufe, Sub-distritu Nitibe, Distritu Oekusi.

Akuzasaun Prokuradór

Prokuradór akuza katak iha 21 Agostu 2018, maizumenus tuku 15.30 lokraik, arguidu basa dala ida iha lezada nia kanuruk no basa dala ida 1 iha lezada nia hasan parte loos no rezulta lezada sofre moras. Kazu ne'e akontese wainhira arguidu ho kondisaun lanu diskute malu ho lezada nia laen, nune'e lezada koalia netik. Kazu ne'e aneksa mós ho relatório médico husi Centru Saúde Baocnana no fotografia husi Polísai-VPU.

Prokuradór akuza arguidu kontra artigu 145 Kódigu Penál kona-ba krime ofensa ba integridade fízika simples ho moldura penál too tinan 3 ka multa.

Produsaun ba prova sira

Bazeia ba artigu 262 KPP kona-ba tentativa ba konsiliasaun, nune'e antes tama ba julgamentu produsaun ba prova, juis husu atu halo tentativa konsiliasaun ba arguidu no lezada.

Iha prosesu konsiliasaun ne'e, lezada hakarak dame malu no dada fali nia-keixa no arguidu konkorda ho pedidu ne'e. Arguidu deklara katak arrepende ona nia hahalok no promete sei la repete tan hahalok hanesan iha futuru.

Alegasaun finál

Prokuradór no defeza apresia akordu dame ne'ebé parte rua deside ona no husu ba tribunál atu omologa prosesu ne'e.

Desizaun

Bazeia ba akordu hosi parte rua no pedidu dezisténsia hosi lezada, Tribunál konklui prosesu ne'e no omologa akordu dame entre parte sira.

12. Krime ofensa ba integridade fízika simples ho natureza violénsia doméstika

Nú. Prosesu	: 0035/18.OEBCN
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro
Tipu pena	: Pena prizaun tinan 1 fulan 6 suspende ba tinan 2

Iha 14 Dezembru 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu SSC hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 02 Jullu 2018, maizumenus iha tuku 03.00 madrugada, arguidu tuku dala ida iha lezada nia ibun no rezulta lezada sofre mean, bubu no moras. Arguidu kontinua tuku dala ida iha lezada nia ulun parte loos no rezulta lezada sofre moras. Kazu ne'e aneksa mós ho relatóriu médiку husi Centru Saúde Baocnana no fotografia husi Polísia-VPU.

Prokuradór akuza arguidu kontra artigu 145 Kódigu Penál kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova sira

Durante julgamentu, arguidu konfessa faktus hotu iha akuzasaun, arguidu mós deklara katak arrepende ona ba nia hahalok. Arguidu servisu hanesan seguransa privadu iha Kompañia WIKA ho rendimentu kada fulan US\$115.00 no iha oan nain lima. Arguidu foin primeiravés halo krime no mai hatan iha tribunál. Arguidu reforsa tan katak deposide akontesimentu ne'e, sira diak malu kedas.

Prokuradór husu ba Tribunál atu prezinde lezada nia deklarasaun, tanba iha produsaun ba prova arguidu konfessa faktus hotu iha akuzasaun.

Alegasaun finál

Prokuradór konsidera arguidu provadu komete krime hasoru lezada bazeia ba konfisaun arguidu nian. Prokuradór hatutan liután katak, tuir loloos arguidu mak protégé lezada tanba fetu laiha forsa atu halo reasaun hasoru arguidu no arguidu iha intensau makaas atu baku lezada sein razaun. Arguidu hanesan seguransa hatene diak atu halo atuasaun ho maneira diak mesmu dalaruma iha provokasaun husi parte rumu. Tanba ne'e, atu prevene no evita krime hanesan akontese tan iha futuru, husu ba tribunál atu kondena arguidu tuir artigu 145 KP.

Defeza husu ba tribunál atu kondena arguidu ho pena ne'ebé kmaan, tanba iha produsaun ba prova arguidu rasik hatudu kolaborasaun diak ho tribunál liuhosi konfesa faktus hotu iha akuzasaun no arrepende ona nia hahalok. Arguidu mós iha oan nain lima, diak malu ona ho lezada no moris hamutuk nafatin hanesan feen-laen iha uma ida.

Desizaun

Depoisde avalia faktu sira hotu, tribunál prova katak arguidu komete duni krime tuir faktus sira iha akuzasaun prokuradór nian. Bazeia ba faktu provadu sira ne'e, tribunál kondena arguidu ho pena prizaun tinan 1 fulan 6 no suspende ba tinan 2.

13. Krime ofensa ba integridade fízika simples ho natureza violénsia doméstika

Nú. Prosesu	: 0017/18.OEBCN
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi

Defeza : Dr. Marcelino Marques Coro
Tipu pena : Pena admoestasaun

Iha 14 Dezembru 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu YT hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 14 Abril 2018, maizumenus iha tuku 18.00 lokraik, arguidu basa dala ida iha lezada nia hasan parte loos no rezulta lezada sofre moras. Kazu ne'e aneksa mós ho relatório médiku husi Centru Saúde Baocnana no fotografia husi Polísia-VPU.

Prokuradór akuza arguidu kontra artigu 145 Kódigu Penál kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova sira

Iha julgamentu, arguidu konfesa faktus hotu iha akuzasaun no deklara katak arrepende ona nia hahalok. Arguidu servisu hanesan to'os na'in no laiha rendimento fixu kada fulan no iha oan nain ida. Arguidu foin primeiravés halo krime no mai hatan iha tribunál. Arguidu reforsa tan katak dame malu ona ho lezada no moris hamutuk fali ona iha uma ida hanesan feen-laen.

Prokuradór husu ba Tribunál atu prezinde lezada nia deklarasaun, tanba iha produsaun ba prova arguidu konfesa faktus hotu iha akuzasaun.

Alegasaun final

Prokuradór konsidera arguidu provadu komete krime hasoru lezada bazeia ba konfisaun arguidu nian, tanba ne'e husu ba tribunál atu kondena arguidu tuir artigu 145 KP.

Iha parte seluk, defeza husu ba tribunál atu kondena arguidu ho pena ne'ebé kmaan tanba arguidu konfesa, arrepende ona nia hahalok, primeiraveś halo krime no mai hatan iha tribunál, diak malu ona ho lezada no iha oan nain ida.

Desizaun

Depoisde avalia faktu sira hotu, tribunál konsidera katak arguidu provadu komete duni krime hasoru lezada tuir faktu sira iha akuzasaun. Bazeia ba faktus-provadu hirak ne'e, tribunál kondena arguidu ho pena admoestasaun.

14. Krime ofensa ba integridade fízika simples ho natureza violénsia doméstika

Nú. Prosesu	: 0007/18.OEPSB
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Calisto Tout
Tipu pena	: Pena prizaun tinan 1 no suspende ba tinan 2

Iha 14 Dezembru 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu VNM hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 11 Juñu 2018, maizumenus iha tuku 08.00 dader, arguidu basa dala ida iha lezada nia kanuruk, tebe dala ida iha lezada nia matan fukun no tebe dala ida iha lezada nia ain-tuur parte karuk. Kazu ne'e aneksa mós ho relatório médiku husi Centru Saúde Pasabe no fotografia husi Polísia-VPU.

Prokuradór akuza arguidu kontra artigu 145 Kódigu Penál kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova sira

Iha julgamentu, arguidu konfesa faktus hotu iha akuzasaun, arguidu mós deklara katak arrepende ona nia hahalok. Arguidu hanesan to'os-na'in no laiha rendimentu fixu kada fulan, arguidu iha oan nain ualu, no foim primeiravés mai hatan iha tribunál. Arguidu reforsa tan katak dame malu ona ho lezada no moris hamutuk fali ona hanesan feen-laen.

Prokuradór husu ba tribunál atu prezindi lezada nia deklarasaun, tanba arguidu konfesa faktus hotu iha akuzasaun.

Alegasaun finál

Prokuradór konsidera arguidu provadu komete krime hasoru lezada bazeia ba konfisaun arguidu nian. Prokuradór reforsa tan katak atu rezolve problema la'ós tenke lori violénsia. Tanba ne'e, husu ba tribunál atu kondena arguidu tuir artigu 145 Kódigu Penál.

Iha parte seluk, defeza husu ba tribunál atu aplika pena ne'ebé adekuadu ba arguidu, tanba arguidu konfesa faktus hotu iha akuzasaun, arrepende ona nia hahalok, iha oan nain ualu, foim primeiravés mai hatan iha tribunál no diak malu ona ho lezada no hela hamutuk iha uma ida hanesan feen ho laen.

Desizaun

Depoisde avalia faktu sira ne'ebé prodús durante julgamentu, tribunál konklui prosesu ne'e no kondena arguidu ho pena prizaun tinan 1 no suspende ba tinan 2.

15. Krime ofensa ba integridade fízika simples ho natureza violénsia doméstika

Nú. Prosesu	: 0008/18.OEPSB
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Calisto Tout
Tipu pena	: Pena prizaun tinan 2 no suspende ba tinan 2

Iha 14 Dezembru 2018, Tribunál Distritál Oekusi prezide julgamentu leitura sentensa ba krime ofensa ba integridade fízika simples ho natureza violénsia doméstika ne'ebé envolve arguidu JUL hasoru nia feen, iha Distritu Oekusi

Akuzasaun Prokuradór

Prokuradór akuza katak iha 10 Juñu 2018, maizumenus tuku 17.00 lokraik, arguidu tebe dala tolu iha lezada nia kotuk laran no rezulta lezada sofre moras, desmaia no monu ba rai. Kazu ne'e aneksa mós ho relatório médico husi Centru Saúde Pasabe no fotografia husi Polísia-VPU.

Prokuradór akuza arguidu kontra artigu 145 Kódigu Penál kona-ba ofensa ba integridade fízika simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova sira

Iha julgamentu, arguidu konfesa parcialmente ba faktus iha akuzasaun no deklara katak arguidu tebe duni lezada maibé dala ida deit no la'ós dala tolu. Arguidu deklara katak arrepende ona nia hahalok no antes ne'e iha Abril 2014, arguidu komete ona krime hasoru nia feen no tribunál kondena ona arguidu ho pena multa US\$90.00. Arguidu hanesan professór iha eskola pre-sekundariu ho rendimentu kada fulan US\$295.00. Arguidu iha oan nain haat no seidauk dame malu ho lezada tanba depoisde akontesimentu ne'e arguidu ho lezada moris separa to'o agora.

Iha parte seluk lezada konfirma ho faktus hotu iha akuzasaun no deklara katak depoisde akontesimentu ne'e lezada ho arguidu moris separa no labarik nain haat hela hamutuk ho lezada.

Testemuña ALC nu'udar lezada nia aman ki'ik depoimenta katak testemuña rona deit hosi lezada katak arguidu tebe lezada, maibé testemuña la haree.

Testemuña AC nu'udar arguidu nia inan depoimenta katak akontese duni problema entre arguidu ho lezada, maibé iha akontesimentu ne'e, testemuña laharee tanba testemuña iha hela uma laran.

Alegasaun finál

Prokuradór konsidera arguidu provadu komete krime hasoru lezada bazeia ba konfisaun arguidu nian, mesmu iha produsaun ba prova arguidu rasik konfesa faktus balun de'it. Prokuradór reforsa liután katak arguidu laiha arrepentementu ba ninia hahalok tanba antes ne'e hetan ona kondenasauñ husi tribunál, maibé arguidu nafatin halo krime hasoru nia feen. Tanba ne'e husu ba tribunál atu kondena arguidu tuir artigu 145 KP.

Enkuantu defeza husu ba tribunál atu kondena arguidu ho pena ne'ebé adekuadu ho konsiderasaun sira katak arguidu konfesa, arrepende ona nia hahalok, arguidu foin sae no sei iha tempu atu hadia aan iha liur no iha oan nain haat. Defeza reforsa liu tan katak arguidu hanesan funsionariu iha edukasaun no kuandu tama komarka, bele lakon nia direitu ba salariu inklui se mak atu responsabiliza ba nia oan sira.

Desizaun

Depoisde avalia faktu provadu sira ne'ebé produs durante julgamentu tribunál konsidera akuzasaun prokuradór nian provadu hotu no arguidu laiha arrepentimentu, tanba antes ne'e

arguidu komete ona krime hanesan no tribunál kondena ona arguidu ho pena multa. Bazeia ba faktus provadu hirak ne'e, tribunál kondena arguidu ho pena prizaun tinan 2 no suspende ba tinan 2 no selu kustu judisiál US\$30.00.

16. Krime koasaun seksuál

Nú. Prosesu	: 0002/17.OESIC ¹
Kompozisaun Tribunál	: Kolektivu
Juis	: Dr. João Ribeiro : Dr. Sribuana da Costa : Dr. Eusebio Victor Xavier
Prokuradór	: Dr. Mateus Nesi
Defeza	: Dr. Marcelino Marques Coro
Tipu pena	: Absolve

Iha 21 Dezembru 2018, Tribunál Distritál Oekusi prezide leitura akordaun ba krime koasaun seksuál ne'ebé envolve arguidu OAMC hasoru lezada MAS, iha Distritu Oekusi.

Akuzasaun Prokuradór

Prokuradór akuza katak iha 05 Janeiru 2017, maizumenus tuku 02.00 madrugada, wainhira lezada halot hela sasan iha dapur laran, arguidu bolu lezada no dehan katak “*labarik mai lai*” lezada ba tan arguidu, nune'e arguidu kaer lezada nia liman loos hodi dada lezada ba iha dapur kotuk iha fatin nakukun, arguidu hakoak metin lezada, lori liman karuk taka metin lezada nia ibun, rei iha lezada nia hasan karuk no loos nomós kaer lezada nia susun rua. Arguidu nia hahalok ne'e rezulta lezada sofre moras iha nia susun rua, trauma no tanis.

Wainhira lezada nia inan ba iha dapur laran no lezada laiha, nune'e lezada nia inan bolu lezada mak arguidu husik lezada no lezada dehan ba nia inan katak arguidu rei nia hasan no kaer nia susun. Hafoin testemuña ho lezada la'o ba iha dapur kotuk haree arguidu hafoin arguidu tebe monu didin dapur nian hodi halai sai ba estrada.

Prokuradór akuza arguidu kontra artigu 171 Kódigu Penál kona-ba krime koasaun seksuál ho moldura penál tinan 2 to'o tinan 8 prizaun.

Produsaun ba prova sira

Iha julgamentu, arguidu nega faktus hotu iha akuzasaun no deklara katak iha kalan ne'e, iha akontesimentu ne'e arguidu mós partisipa iha festa aniversariu iha lezada nia uma, no arguidu atu ba soe be iha dapur kotuk no iha tempu hanesan lezada mós lao husi dapur kotuk. Nune'e lezada ho arguidu hasoru malu arguidu kaer lezada nia liman no arguidu husu ba lezada katak lezada halo saida iha ne'e, tanba arguidu haree ema ida lao hela iha nakukun no arguidu husu ba lezada katak “*mane ne'eba se..?*,” Hafoin lezada tanis ba fó hatene nia inan katak arguidu mak book fali lezada. Arguidu foin primeiravés mai hatan iha tribunál no servisu hanesan seguransa privadu ho rendimentu kada fulan US\$115.00.

¹ Kazu ne'e JSMP la monitoriza ninia alegasaun hosi prokuradór no defeza tanba iha momentu ne'ebá ofisial JSMP ninian partisipa hela atividade seluk iha Dili.

Testemuña JS nu'udarлезада ния инан депоимента катах калан не'e тестемуна фоин коñесе аргиду. Куанду то'o туку 02.00 мадругада но ема сира ne'ebé май партисипа иха феста анiversariu не'e fila hotu онана ба иха сира ния ума но тестемуна harukaлезада ату halot сасан иха дапур ларан, маibé аргиду дада фалиlezада ба иха дапур kotuk hodi комете aktu hirak не'e hasoruлезада. Bainhiraлезада информа ба тестемуна, тестемуна hoлезада lao ба иха дапур kotuk haree дуни аргиду hafoin аргиду tebe monu didin kotuk дапур nian hodi halai sai ба estrada то'o halai liu. Иха калан не'e кедаслезада ho familia balun la'o buka tuir аргиду иха сира ния ума no fó hatene аргиду ния инан-аман, маibé ния инан-аман resposta катах аргиду laiha.

Desizaun

Depoisde avalia faktus sira ne'ebé prodús durante julgamentu, tribunál konsidera катах prosesu julgamentu ba kazu не'e adia dala tolu онана noлезада rasik sempre konfirma ату marka prezensa iha tribunál, маibé to'o loron julgamentuлезада rasik lamarka prezensa iha tribunál tanba hola онана mane no hela iha Munisípiu Aileu. Bazeia ba prokuradór ния pedidu катах kuanduлезада lamarka prezensa iha tribunál, prokuradór bele reprezentaлезада durante iha produsaun ba prova no prosesu julgamentu bele kontinua.

Tribunál konsidera катах laiha faktus provadu ne'ebé produs durante produsaun ba prova ho konsiderasaun sira катах faktus pesoál rasik lamarka prezensa, nune'e tribunál konklui prosesu ne'e no absolve аргиду husi prosesu ne'e.

17. Krime kondusaun sein karta

Nú. Prosесу	: 0014/18.OESTR
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Calisto Tout
Tipu pena	: Pena multa

Iha 24 Dezembru 2018, Tribunál Distrítal Oekusi prezide julgamentu leitura sentensa ba krime kondusaun sein karta ne'ebe envolve аргиду Agostinho Nine hasoru Estadu RDTL, iha Suku Costa, Sub-distritu Pante-makassar Distritu Oekusi.

Akuzasaun Prokuradór

Prokuradór акуза катах iha 19 Juñu 2018, maizumenus туку 09.00 dader, аргиду kondus motor ne'ebe laiha xapa matrikula ho marka Honda blade no halai iha dalan pubbliku hosi Oekusi ba Palaban. Wainhira polisia pasa revista no hetan катах аргиду laiha karta kondusaun.

Prokuradór акуза аргиду конtra artigu 207 Kódigu Penál kona-ba krime kondusaun sein karta ne'ebe ho moldura penál too tinan 2 ka multa.

Produsaun ba prova

Iha prosesu julgamentu, аргиду конфеса faktus hotu iha akuzasaun, аргиду deklara катах arrepende онана ния hahalok no аргиду фоин primeiravés май hatan iha Tribunál. Аргиду hatutan

tan katak hahalok hanesan ne'e ladiak no kontra lei Timor, arguidu laiha rendimentu fixu kada fulan no arguidu iha oan na'in rua.

Prokuradór husu ba Tribunál atu prezinde testemuña nia deklarasaun, tanba arguidu konfesa faktus hotu iha akuzasaun.

Alegasaun final

Prokuradór haktuir katak bazeia ba produsaun ba prova arguidu provadu komete krime kondusaun sein karta, arguidu hatene hela katak la iha karta kondusaun maibé konduz motor iha estrada publiku. Tanba ne'e husu ba tribunál atu kondena arguidu tuir artigu 207 KP.

Enkuantu defeza haktuir katak arguidu konfesa, arrepende ona nia hahalok, iha oan nain rua no laiha rendimentu fixu kada fulan. Arguidu foin primeiravés mai hatan iha tribunál. Tanba ne'e husu ba tribunál atu aplika pena ne'ebé kmaan ba arguidu.

Desizaun

Tribunál prova katak arguidu komete duni krime tuir faktu sira iha akuzasaun. Bazeia ba prova sira ne'e, tribunál kondena arguidu ho pena multa US\$75.00 ne'ebé sei selu 0.50 sentavus kada loron durante loron 150. Tribunál mós fiksa pena alternativa durante loron 100 prizaun, wainhira arguidu la kumpri pena multa refere.

18. Krime ofensa korporál resíproka

Nú. Prosesu	: 0018/18.OEPMK
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro
Tipu pena	: Omologa pedidu dezistensia keixa

Iha 24 Dezembru 2018, Tribunál Distritál Oekusi prezide julgamentu tentativa konsiliasaun ba krime ofensa korporál resíproka ne'ebé envolve arguida Edita de Jesus Sila hasoru nia beioan Elsa da Costa Cab Tilo, iha Suku Taiboco Sub-distritu Pante-makassar, Distritu Oekusi.

Akuzasaun Prokuradór

Prokuradór akuza katak iha 12 Abril 2018, maizumenus iha tuku 14.00 lokraik, arguida rakut dala ida iha lezada nia fu'uk, rakut lezada nia oin, foti ai-lok pedasuk ida no baku dala ida iha lezada nia kabaas parte loos no rezulta lezada sofre moras, mean no bubu. Nune'e lezada halo reasaun hasoru arguida hodi tata dala ida iha arguida nia kabaas parte loos no rezulta kanek kois no moras iha arguida nia kabaas. Aktu ne'e akontese sein motivu ne'ebé klaru.

Prokuradór akuza arguida nain rua kontra artigu 151 Kódigu Penál kona-ba krime ofensa korporál resíproka ne'ebé ho moldura penál too tinan 2 ka multa.

Produsaun ba prova

Bazeia ba artigu 262 KPP kona-ba tentativa ba konsiliasaun, nune'e antes tama ba julgamentu produsaun ba prova, juis husu atu halo tentativa konsiliasaun ba arguida no lezada.

Iha prosesu konsiliaun ne'e, arguida no lezada hakarak dame malu de'it no dada fali sira nia-keixa sein kondisaun ruma no deklara mós katak arrepende ona sira nia hahalok no promete sei la repete tan hahalok hanesan iha futuru.

Alegasaun finál

Prokuradór no defeza apresia akordu dame ne'ebé parte rua deside ona no husu ba tribunál atu omologa prosesu ne'e.

Desizaun

Bazeia ba akordu hosi parte rua no pedidu dezisténsia hosi parte sira, tribunál konklui prosesu ne'e no omologa akordu dame entre parte sira.

19. Krime ofensa ba integridade física simples ho natureza violénsia doméstika

Nú. Prosesu	: 0136/18.OESIC
Kompozisaun Tribunál	: Singulár
Juis	: Dr. João Ribeiro
Prokuradór	: Dr. Mateus Nesi
Defeza	: Dr. Marcelino Marques Coro
Tipu pena	: Pena prizaun tinan 1 fulan 6 maibe suspende ba tinan 2

Iha 24 Dezembru 2018, Tribunál Distritál Oekusi prezide julgamentu leitura sentensa ba krime ofensa ba integridade física simples ho natureza violénsia doméstika ne'ebé envolve arguidu CNL hasoru nia feen, iha Distritu Oekusi.

Akuzasaun Prokuradór

Prokuradór akuza katak iha 01 Agostu 2018, maizumenus tuku 15.30 lokraik, arguidu ho lezada diskute malu kona-ba arguidu husu osan US\$1.00 ba lezada atu sosa sigaru, maibé lezada la fó, nune'e arguidu lori fatuk tuda dala ida iha lezada nia ain loos no rezulta lezada sofre kanek no ran. Arguidu kontinua buti dala ida iha lezada nia kakorok no tuku dala ida iha lezada nia inus no rezulta ran. Kazu ne'e aneksa mós ho relatóriu médiку husi Ospital Referal Oekusi no fotografia husi Polísia-VPU.

Prokuradór akuza arguidu kontra artigu 145 Kódigu Penál kona-ba ofensa ba integridade física simples ho moldura penál to'o tinan 3 ka multa no konjuga ho artigu 2, 3, 35 letra (b) no artigu 36 LKVD.

Produsaun ba prova sira

Iha prosesu julgamentu, arguidu deklara katak faktu ne'ebé prokuradór akuza ba nia ne'e loos hotu, arguidu diak malu ona ho lezada, arrepende ona nia hahalok akontese, to'o agora arguidu la baku ona lezada, no foin primeiravés mai hatan iha tribunál.

Prokuradór husu ba Tribunál atu prezinde lezada nia deklarasaun, tanba iha produsaun ba prova arguidu konfesa faktus hotu iha akuzasaun.

Alegasaun finál

Prokuradór konsidera arguidu provadu komete krime hasoru lezada bazeia ba konfisaun arguidu nian no tuir loloos arguidu mak proteze lezada, maibé pela kontrariu arguidu mak komete fali krime hasoru lezada. Tanba ne'e husu ba tribunál atu kondena arguidu tuir artigu 145 Kódigu Penál.

Iha parte seluk, defeza husu ba tribunál atu aplika pena ne'ebé adekuadu ba arguidu ho konsiderasaun sira katak, arguidu konfesa, arrepende ona nia hahalok, foin primeiravés mai hatan iha tribunál, diak malu ona ho lezada no hela hamutuk nafatin iha uma ida.

Desizaun

Tribunál prova katak arguidu komete duni krime tuir faktu sira iha akuzasaun. Bazeia ba prova sira ne'e hotu, tribunál kondena arguidu ho pena prizaun tinan 1 fulan 6 no suspende ba tinan 2.

20. Krime kontrabandu

Nú. Prosesu	: 0126/17.OESIC
Kompozisaun Tribunál	: Kolektivu
Juis	: Dr. João Ribeiro
	: Dr. Sribuana da Costa
	: Dr. Eusebio Victor Xavier
Prokuradór	: Dr. Mateus Nesi
Defeza	: Dr. Marcelino Marques Coro
	: Dr. Inasio Quebo ho Dr. Filipe Landos (AP)
Tipu pena	: Pena prizaun tinan 1 no suspende ba tinan 1 ba arguidu sira hotu

Iha 24 Dezembru 2018, Tribunál Distritál Oekusi hatun despaixu notifikasi saun leitura akordaun ba krime kontrabandu ne'ebé envolve arguidu Mateus Caet, Ficos Neno, Paulus Siqui, Domingos Lafu, Beneditu Obe hasoru Estadu RDTL, iha Suku Bobometo, Sub-distritu Oesilo, Distritu Oekusi.

Akuzasaun Prokuradór

Prokuradór akuza katak iha 01 Juñu 2017, maizumenus tuku 20.00 kalan, arguidu sira hamutuk hatama kombostivel no sasan sira seluk ilegalmente husi Indonezia tama mai territoriu Timor-Leste laliu husi Diresaun Alfandega. Sasan sira ne'ebé arguidu sira hatama mak hanesan gazoel litru 555, gazolina litrus 120, *pupuk* saku 10, makina dulas kafe 1, parabola 4, resiver 4, kapasete 15, DVD 4, remot DVD 4, kuluna ki'ik 8 no kuluna bo'ot 8, termus etu 2, fugaun 2, fiu kabel data 5, terminal dexicon M kaixa 1, terminal dexicon DE kaixa 1, termus be'e manas 12, sapilla 2, bor listrik 1, tali cas nokia 10, tali cas Samsung 18, pilla telefone nokia 10, gravador ki'ik 19, besi plamer 4, fitin ampola kaixa 1, plastik saku bo'ot 1, redi kose sanan kaixa 1, parabola set 1 k. vision no ai-rin parabola 4.

Prokuradór akuza arguidu nain 5 kontra artigu 316 Kódigu Penál kona-ba krime kontrabandu ho moldura penál tinan 2 to'o tinan 6 prizaun ka multa.

Desizaun

Depoisde avalia faktus sira hotu, tribunál prova katak arguidu sira komete duni krime tuir faktu sira iha akuzasaun prokuradór nia. Tribunál konsidera sirkunstânsia hotu-hotu hosi kazu ne'e no kondena arguidu nain tolu ho pena prizaun tinan 1 no suspende ba tinan 1 no ba arguidu Paulus Siqui selu mós kustu judisiál US\$20.00.

21. Krime kontrabandu

Nú. Prosesu	: 0016/17.PDOEC ²
Kompozisaun Tribunál	: Koletivu
Juis	: Dr. João Ribeiro
	: Dr. Sribuana da Costa
	: Dr. Eusebio Victor Xavier
Prokuradór	: Dr. Mateus Nesi
Defeza	: Dr. Calisto Tout
Tipu pena	: Dr. Inasio Quebo ho Dr. Filipe Landos (AP)
	: Pena prizaun maibé suspende no absolve

Iha 26 Setembru 2018, Tribunál Distritál Oekusi hatun despaixu notifikasiasaun leitura akordaun ba krime kontrabandu ne'ebé envolve arguidu Batista Poto, Jose Baqui, Carlos Juvinal Ulan, Vicente Ena, Roni Suwarno no João Elu hasoru Estadu RDTL, iha Suku Bobometo, Sub-distritu Oesilo, Distritu Oekusi.

Akuzasaun Prokuradór

Prokuradór akuza katak iha 26 Novembru 2017, maizumenus tuku 22.00 kalan, arguidu sira hamutuk hatama sasan ilegalmente husi Indonezia, tama mai territoriu Timor-Leste. Sasan sira ne'e mak hanesan arguidu Jose Baqui lori bir bintang botol kaixa ida, tua habuk kaixa ida, arguidu Carlos Juvinal Ulan ne'ebé hetan ajuda husi João Elu lori fos saku rua. Arguidu Vicente Ena ne'ebé hetan ajuda husi Batista Poto hatama kalan tahan sanulu resin lima.

Prokuradór akuza arguidu nain neen kontra artigu 316 Kódigu Penál kona-ba krime kontrabandu ho moldura penál tinan 2 to'o tinan 6 prizaun ka multa.

Desizaun

Depoisde avalia faktus sira ne'ebé prodús durante julgamentu, tribunál prova katak arguidu sira provadu komete krime kontrabandu. Tribunál mós konsidera katak haree ba sirkunstânsia atenuantes no agravantes hirak ne'e hotu, tribunál kondena arguidu Jose Baqui no Carlos Juvinal Ulan ho pena prizaun tinan 2 suspende ba tinan 2. Entretantu arguidu Batista Poto no João Elu,

² Kazu ne'e desizaun notifika deit, tanba la priense juis koletivu, nune'e desizaun ba kazu ne'e tribunál hatun deit despaixu notifikasiasaun liu hosi ofisial justisa. JSMP la monitoriza prosesu julgamentu ba iha produsaun prova no alegasaun hosi prokuradór no defeza.

tribunál kondena ho pena prizaun fulan 6 no suspende ba tinan 1. Tribunál absolve arguidu Roni Suwarno tanba konsidera hanesan sidadaun Indonesia no halo ona deportasaun ba arguidu. Ba arguidu Vicente Ena, tribunál esklui hosi prosesu julgamentu tanba arguidu refere mate ona.

22. Krime furtu agravadu

Nú. Prosesu	: 0007/17.PDOEC ³
Kompozisaun Tribunál	: Koletivu
Juis	: Dr. João Ribeiro : Dra. Jumiati Freitas : Dr. Eusebio Victor Xavier
Prokuradór	: Dr. Mateus Nesi
Defeza	: Dr. Marcelino Marques Coro no Dr. Calisto Tout
Tipu pena	: Pena prizaun maibé suspende no absolve

Iha 28 Dezembru 2018, Tribunál Distritál Oekusi hatun despaixu notifikasi saun leitura akordaun ba krime furtu agravadu ne'ebé envolve arguidu Agostinho Mauno Elu, Yohanes Elu, Agnez Eco, Serafim Elu, Costancio Caba, Jacinto Punef no Ricardo Caba hasoru lezadu Minguel Caet no Francisco Bobi, iha Suku Bobometo, Sub-distritu Oesilo, Distritu Oekusi.

Akuzasaun Prokuradór

Prokuradór akuza katak iha 12 Fevereiru 2017, arguidu nain hitu sulan lezadu nain rua nia karau hitu iha fatin lasu nia naran “Kobo” ne'ebé halo hosi arguidu nain hitu.

Prokuradór akuza arguidu nain hitu kontra artigu 252 Kódigu Penál kona-ba krime furtu agravadu ho modura penal tinan 2 too tinan 8 prizaun.

Desizaun

Depoisde avalia faktu sira hotu, tribunál prova katak arguidu sira komete duni krime tuir faktu sira iha akuzasaun prokuradór nian tuir artigu 252 no aumenta tan ho alinea 1 letra (K). Bazeia ba prova ne'e, tribunál kondena arguidu Agostinho Mauno Elu ho pena prizaun tinan 2 no suspende ba tinan 3. Enkuantu arguidu Yohanes Elu, arguida Agnez Eco tribunál kondena ho pena prizaun tinan 3 no suspende ba tinan 3 no ba arguidu Serafim Elu, Costancio Caba, Jacinto Punef no Ricardo Caba, tribunál absolve tanba arguidu na'in ha'at refere konsidera hanesan ajudante ba aktu krime refere.

Atu hetan informasaun kompleitu, favor kontaktu:

Luis de Oliveira Sampaio
Diretor Ezekutivu JSMP
Diresaun e-mail: luis@jsmp.tl

³ Kazu ne'e desizaun notifika deit, tanba la priense juis koletivu, nune'e desizaun ba kazu ne'e tribunál hatun deit despaixu notifikasi saun liu hosi ofisial justisa. JSMP la monitoriza prosesu julgamentu ba iha produsaun prova no alegasaun hosi prokuradór no defeza tanba iha momentu ne'eba ofisial JSMP iha hela Dili.